

743. 59.

744

3

03

e

בשם אלהים

DISSERTATIO GRADUALIS

De

LXXII

INTERPRE-
TIBUS

Quam

*Ex indultu Ampliss: Ordinis Phi-
losophici in Reg. Acad. Upsaliensi*

PRÆSIDE

VIRO

Max. Reverendo atque Amplissimo

D: NO JOHANNES
ESBERGIO

S.S. Theol. Doct. & Græc. Ling.

PROFESSORE Ord.


Publice examinandam sistit

JOHANNES TRUNDMAN

Medelpad.

In Aud. Gust. majori ad diem 14 Maji

Anno M. DCC. III. horis consuetis.



UPSALIÆ,

Per J. H. WERNER Reg. Academ.

S:æ R:æ Maj:tis

Magnæ Fidei

V I R O

Illustrissimo atq; Generosissimo

BARONI

Dn. J O H A N N I
C L E R C K

AMMIRALI & GUBERNATORI

Per Sudermanniam

excellentissimo,

Mæcenati Summo.

Illustrissime BARO,
Domine gratiosissime,

Certo certius equidem, Illustrissime Domine, mihi persuadeo, projecta audacia me esse multos existimatu-
ros, quod rudes atque inconditas hasce pagellas, Fulgentissimo Nomini Tuo inscribere non verear: verum cum vicissim ab altera parte, recordatio altius subeat mentem meam, quam insigni favore omnes Musarum Alumnos excipere soles; quaq; impri-

*mis eximia benignitate & gratia
in me semper fuisti, audent quoq;
excorusco Nomine Tuo, splen-
dorem & decus suum sibi concilia-
re presentes. Accipias igitur, Il-
lustrissime Domine, serenâ, uti
soles, placida & benigna fronte,
quod devotissima mentis venera-
tione Tibi humillimus Cliens offert
consecratque. Accipias munuscu-
lum hoc chartaceum, utut tumultu-
arie elaboratum, leve & omni-
nitore destitutum; signum tamen
constantis pietatis, testemque indu-
bium animi submissi, atque nun-
quam non, vota pro salute Tua in-
defessa, nuncupare, paratissimi.
Ardentissimas itaq; ad Deum Ter-
Opt. Maximum, Illustrissime Do-
mine, preces emitto, Te ubiq; con-
servare velit, bonisq; omnibus, cu-
mulatissime beare, ut & REGI, qui
Te*

*Te in tanto fastigio constitutum do-
luit, & Patriæ, de qua summe me-
ritus es, Illustrissimæ denique Fa-
miliæ Tuæ, cujus ornamentum ve-
re audis præsidiumque, in senectam
usque ^{seiam} vivas, valeas, vigeas,
floreas!*

Illustrissimi Domini Baronis
Ammiralis & Gubernatoris

*Devotissimus & humillimus
cultor*

J. TRUNDMAN.

Reverendo atque Doctissimo

Dno. JONÆ TRUNDMAN,
Ecclesiarum, quæ in Torp & Bora-
sio colliguntur, ut V.D. Ministro fi-
delissimo; ita Parenti suo caris-
simo, optimo.

Carissime Parens

*SI tantum pietatis & filialis obsequii, ca-
rissime Parens, Tibi exhibere conarer,
quantum paterni amoris & affectus er-
ga me semper declarasti; tum sane, o-
ptime conscius mihi sum, omnibus me de-
stitui facultatibus, quibus condigne id
exsequi possem. Beneficia enim illa, quæ
mihi præstitisti, jam ab eo temporis tra-
ctu, quo primum hac luce frui cæpi, us-
que ad hæc tempora: illa, inquam, dum
secreta æstimatione mecum pensito, tam
multa, tam magna, tamque ampla sunt,
ut nunquam iis exprimendis, multo mi-
nus compensandis, me ulla ratione pa-
rem agnoscam. Ne autem tantorum
bonorum plane immemor sim, cum aliud
referre non queam, primum Tibi ca-
rissime*

*rissime Parens , gratias ago habeoque
immortales : inde vero venerabunda
mente oro rogoque , exercitium hoc A-
cademicum , qualecunque & leve equi-
dem , ceu tesseram tamen gratissimi ani-
mi accipere digneris , juxta sancte pro-
mittens , me haud ullum , quod mei in Te
officii esse , intellexero , ad cineres
usque intermissurum esse. Quod re-
liquum est , ad supremum Numen arden-
tes fundo preces , praesertim ingruente
senecta vires Tibi firmas largiatur , &
adhuc mihi ingenti gaudio Te diu supersti-
tem atque incolumem servare velit. Sic
vovet,*

Carissimi Parentis

**observantissimus filius
J. TRUNDMAN.**

Domine Candidate,

Cum comperiam, Te brevi iterum exhibiturum publicum aliquod specimen ingenii tui, non possum officium intermittere meum, quin paucis erga Te hac occasione candorem animi sinceritatemque ostendam. Et profecto, non pauca memet in præsens exstimularent, ut in debitas tuas irem laudes; nisi ea, qua es, beneque audis ab omnibus, modestia illud prorsus impediret prohiberetq;. Proinde, Perex Domine Candidate, Tibi aperto pectore tantum gratulor insignes Tuos in literis progressus, quos, vel me tacente, omnes ex hac egregia Tua Dissertatione satis superque percipient: precibus insuper Deum Optimum Maximum fatigans, velit aliquando fructum laboribus Tuis dignum imperitari, cunctaque ita dirigere, ut in ejus gloriam, Rei Christianæ emolumentum, Parentum denique, Tuorumque omnium solatium gaudiumque tempore procedente felicissime cedant.

Scr. Ups. d. 5. mens. Maji, Ann. MDCCCLIII.

Tui amantissimus

C. CLERCK.

J. J. T. M.

§. I,



Riusquam ad præsentis argumēti tractationem me accingo, in limine ipso expediet omnino pauca præfari, quæ rationem instituti mei leviter attingere; & viam, quam in progressu potissimum ingressurus sum, utcunque monstrare possint. Cumque adeo, de LXXII Interpretibus, & versione ab illis adornata, aliqua differere in animum induxerim, omnium primo illud ingenue fateor, me hîc nihil minus, quam anxium fuisse, in adducendis tantum non innumeris, qui hac de re scripserunt, Auctoribus, sufficere existimans tantummodo præcipuos allegasse: quo nomine etiam, Candidi Lectoris, veniam me facile im-

petraturum spero, quod nec habitus
temporis mei, nec angustia chartæ,
intra quam materia hæc latissime,
patens cogenda esset, id permittere
queant. Deinde eam in scribendo,
methodi rationem observare con-
stitui, ut cum diversa, ab utraque
parte sentientium placita attulero,
ipsius adhæream sententiæ, æqui
quam proxime videtur accedere ad
veritatem: imò quoque, ubi opus
fuerit, hoc mihi concedi peto, ut
quemadmodum semper alias, ita
nunc maxime tenuitatis ingenii mei
nequicquam immemori, liceat alio-
rum salvo & longe feliciori iudicio
potius relinquere ea, quibus expli-
candis impar fuero, quam ut teme-
re quid statuam. Et si dicendum id
quod res est, tam graviter visi sunt
desudasse clarissimi & summi viri,
in eruenda vera historia LXX Inter-
pretum, ut vix aliud quidquam ma-
jus negotium ipsis facessere potuerit.
Neminem itaque fore putaverim,
qui

qui mirabitur, si & ego hac occasione aliqua prætermisero, quæ forsan minus commode, & non sine jactura veritatis in medium adferrentur. De cetero, rursus enixe contendo, C.L. pro solito favore, cuncta benigne interpretari, & incepto innoxio favere dignetur.

§. 2. Haud auspiciatori successu, historiam interpretationis LXXII Interpretum persequi me posse arbitror, quam si breviter repetantur aliqua de Ptolemæo Philadelpho Ægypti rege: cujus in negotio hoc procurando & expediundo, singularis diligentia, & Principe dignissima opera, nunquam satis celebrari potest. Elogia quibus à Philone exornatum deprehendimus sunt plurima. Eorum vero inter alia, etiam hoc præclarum: Συνόλως μὲν ἔν η ἱστων Πτολεμαίων οικία διαφερόντως πρὸς τὰς ἄλλας βασιλείας ἤκμασεν, ἐν ᾗ τοῖς Πτολεμαίοις ὁ φιλάδελφος. Ὅσα γὰρ εἰς ἑδράσεν ἔτῃ ἐπαινετὰ, μόλις ἐκείνοι πάντες ἀθρόοι δεκρά-

ξαντο. γινόμεν^Θ κατάπερ ἐν ζώῳ τὸ ἡγεμο-
 νεῦον, κεφαλὴ ἱρόπον ἵνα τῶν βασιλέων. Ὁ δὲ
 ἰοῖσ^τ^Θ ζῆλον, καὶ πόθον λαβὼν τῇ νομοθεσίᾳ
 ἡμῶν εἰς ἑλλάδα γλῶτταν τὴν Χαλδαϊκὴν με-
 ταρμόσασθαι διεπονείτο καὶ πρεσβεῖς εὐθύς ἐξ-
 ἔπεμπε πρὸς τὸν τῇ Ἰσδαίας ἀρχιερέα καὶ βα-
 σιλέα. *Quandoquidem in universum do-*
mus Regia Ptolemæorum ceteris Regis
prænituit; inter Ptolemæos vero Phila-
delphus. Unus enim hic plura laude di-
gna gessit, quam omnes reliqui ejus fa-
miliæ, quippe qui tantum inter eos emi-
nuit, quantum caput in corpore. Talis
Princeps captus amore legis nostræ ac
desiderio, in Græcam linguam è Chal-
daica transferendam curavit: & Lega-
tos protinus misit ad Judæorum Pontifi-
cem, penes quem tum in ea gente erat
auctoritas & majestas regia. Incredi-
bili enim literarum amore cum fla-
graret hic Ptolemæus Philadelphus,
nullis sumtibus pepercit, sed libros,
quotquot unquam haberi poterant,
Demetrii Phalerei ductu compara-
vit & emit. Ut autem Bibliotheca
reddere-

redderetur instructissima, ejusque, nitori nihil deesset, Demetrius Regi perſvaſit, ut Judæorum leges quoque lectu digniſſimas, & cognitu ſimul jucundiſſimas ſibi acquiri curaret: & ex Hebræa in linguam Græcam transferret; ut & eas, reliquorum librorum numero, aggregare & accenſere poſſet. Rex hujus conſilio approbato, legatos una cum literis, & ampliſſimis in uſum Templi donariis Hieroſolymas miſit, ad Eleazarum tunc temporis Pontificem, Oniæque filium, fratrem vero Simeonis juſti atque nepotem Jaddi, qui Alexandro M. obviam ivit, ejusque animum, propter denegatum in Tyri oppugnatione auxilium, Judæis iratum & inſenſum, ſua venerabili & anguſta ſpecie ita permulſit & mitigavit, ut à Hieroſolymitanis inſeſta averteret arma. Summa autem (nam ſingula fuſe perſequi non licet) literarum hæc fuit. Rex primum erga Judæos ſignifi-

significat munificētiā & benignitatem suam, qua omnes à Dominis suis redemisset, qui patre imperante essent abducti & servituti obnoxii, talentis in hanc rem, ex suo fisco, sexcentis & sexaginta attributis: ut taceam aliam ejus benignitatem & affectum, in omnes Judæos propensissimum, quem ipsis ubique locorum constitutis obtulit. Inde ipsa petitio subjungitur, ut, scilicet, Pontifex pro dignitate instituti regii, electos ex quaque tribu sex seniores mittat: qui & vitæ honestate, & peritia essent legum insignes, eaque interpretandi facultate instructi, ut tantum opus auspicari, & ad populi Judaici celeberrimam memoriam absolvere possent. Ad hanc epistolam à principibus legationis allatam, ut humaniter erat, perscripta; ita quoque amice & modeste responsum est. Proinde Regis honestissimæ petitioni, non tam renuebant Pontifex & seniores, quam

quam potius ob consilium tam præclarum, summo perfundebantur gaudio, virosque ex unaquaque tribu sex seniores, & honestos illi concedendos decernebant, hac cautione tamen addita, ut post absolutam librorum versionem tuti restituerentur. Erant autem hi LXXII seniores viri præstantes, præclarisque orti parentibus: non modo Judaicarum, sed & Græcarum literarum peritissimi: atque adeo legis explicandæ dexterrimi interpretes. Adventu horum, quanta lætitia affectus Ptolemæus, quod tandem jam voti sui compos factus fuisset, vix dici potest. Admiratione vero non minori perculsus est, oblatis ostensisq; pelliculis, in quibus Lex aureis literis lingua Judæorum perscripta erat; quarum membranæ & plagæ, magna arte elaboratæ erant; majori etiam coagmentatæ & confertæ, ut juncturarum mendæ, lituræ & cicatrices, vix oculorum curiosissima acie

acie notari possent. Libris itaque
evolutis & explanatis, diu attonitus
substitit: tandem accepti beneficii
magnitudine & religione incitatus,
gestu verbis congruente, hæc dixit-
se fertur: *Ευχαριστῶ μὲν [ex Aristeia]*
ἄνδρες ὑμῖν· ἵνα ἡ ἀποστείλαντι μᾶλλον μέ-
γιστον ἢ, ἵνα θεῷ, εἴην ἐστὶ τὰ λόγια ταῦτα.
Gratias ago vobis viri: sed majores ei,
qui vos misit: maxime vero DEO, cujus
hæc sunt oracula. Verum enimvero
ficut Rex suapte indole erat munifi-
cus & liberalis erga omnes, externos
æque ac indigenas, bene de se me-
ritos; ita nemo non intelligere po-
terit, quanto honore, humanitate,
benignitate & liberalitate hos exce-
perit. Septem dierum spatio, lau-
tis & opiparis epulis eos tractavit,
conviviis erudita colloquia quan-
doque interpolans & miscens, pro-
ponendo admodum impeditas, &
difficiles quæstiones senioribus ex-
plicandas. Iis vero nullo negotio
se epedientibus, summam illorum
erudi-

eruditionem, pariter admiratus & reveritus est. Sed ne longiorem, antequam opus ipsum aggredierentur, temporis jacturam facerent, Demetrium Phalereum jussit, opportuna procurare & prospicere, domicilia Judæis, ad quæ diverterent, & meditatam versionem adornare occiperent. Haud procul autem aberat urbe insula Pharus, in qua domus, ad septentrionale ejus litus, splendide exstructa ipsis concessa est, ubi ab omnium strepitu & interpellationibus remoti, die quovis ad horam nonam, translationi invigilarent; diei vero reliquum, debitæ corporis recreationi curæq; omnino reservaretur. Hîc congregati, cum unusquisque, quod reddidisset, adcuratius cum reliquis conferret, tandem 72 diebus elapsis, coronidem operi imposuerunt universi ac singuli, perinde ac si data opera illud factum fuisset. Hæc quam fieri potuit brevissime, ex anti-

tiquissimo LXXII Interpretum Scriptore Aristeia collegi; quem Philadelphus ob probitatem, prudentiam & singularem eruditionem, summo in pretio habuit. Alioquin à B. Hieronymo, in Præfat. ad Pentateuch: dictus est ejus ὑπερραπιστής. Plura qui desiderat adeat ipsum. ut & Fl. Josephum lib. 12. Antiquit. Jud. item Philonem lib. 2. de vita Mosis. Ex hisce, quæ attulimus, haud ignota, à Justino Martyre in Parænetico ad Græcos, manaverat traditio de 72 cellulis, quibus singuli inclusi versionem elaboraverint. Non pigebit pauca ex illo adscribere. Ταῦτα ἔμυθος ὑμῖν, ὡς ἄνδρες Ἕλληνες, ἔδ' ἐπεπλασμένας ἱστορίας ἀπαγγέλλομεν· ἀλλ' αὐτοὶ ἐν τῇ Ἀλεξανδρείᾳ γινόμενοι, καὶ τὰ ἔχνη τῶν οἰκίσκων τῇ φάρῳ ἐωρακότες, ἐπὶ ζωζόμενα, καὶ πῶς τ' ἐκείως τὰ πάτρια παρεληφόντων ἀκηκοότες ταῦτα ἀπαγγέλλομεν. *Hæc vobis, viri Græci, non ut fabulam, neque confictam historiam renunciamus, sed qui ipsi Alexandria fuerimus: & vestigia domuncularum*

cularum apud insulam Pharum, adhuc
reliqua viderimus: ab incolis, qui res
patrias per manus sibi traditas acceperunt,
audierimus, commemoramus. Refert præterea tam
felicem interpretationis operam eos præstitisse, ut
non dictione, ne verbo quidem dissen-
serint. Epiphanius vero libro de ponderibus &
mensuris, atque post eum Justinianus Novell. 146:
meminere 36 cellularum, quibus boni illi viri
inclusi, versionem suam absoluerint. Sed quan-
tum fidei hisce Auctoribus tribuendum, ex
sequentibus patebit, præsertim dum summo-
rum, hac de re, virorum iudicium in medium
adferemus.

§. 3. Quorum in superioribus mentionem
injecimus ex Aristeæ, & qui ab illo in narra-
ndo non discesserunt, Philone & Josepho, non
desunt, qui tanquam penitus ficta in dubium
vocare satagunt. Hos inter omnium primo
Ludov: Vives in August. de Civit. Dei lib. 18. cap. 42.

controversiam movet, annon à Ju-
dæo aliquo Alexandrino evulgatus
sit liber nomine Aristeæ; eaque ra-
tione supposititius audiat, & non
scriptum ejus genuinum. Quod au-
tem ille se putare dicit, magna con-
fidentia asserit clarissimus Scaliger,
ad annum Eusebii 1734, concedens
quidem Ptolemæum Philadelphum
Alexandriæ bibliothecam locupletif-
simam extruxisse, ac sacra Hebræo-
rum monumenta jussu ejus in Græ-
cum sermonem conversa fuisse: hi-
storiam Aristeæ tamen omnino sup-
positam, & pleraque ejus ficta esse.
Quæ a. à summo illo viro, pro ad-
versa parte ponuntur, fere hæc sunt.
Primum ex vetustissimo scriptore
Hermippo, quem apud Diogenem
Laërtium citat, asseverat tantum
abesse, ut Demetrius Phalereus, ul-
las in procuranda bibliotheca regia
partes sustinuerit, ut potius Regi
Philadelpho semper summe exosus
fuerit, & statim ab initio regni ipsi-
us

us obierit. Odii causam prodit, cum dixerit ita se habere: *Ptolemæus Lagi filius nomine Σωτῆρ liberis sustulerat ex Eurydice, & unum ex Berenice. Hortabatur Regem Demetrius, ut filios Eurydicæ regni successores designaret, non autem filium Berenices, qui postea Philadelphus dictus est. Cum hoc Demetrii consilium ad Philadelphum emanasset, tantam ejus offensionem incurrit Demetrius, ut statim post obitum Ptolemæi Soteris, à Philadelpho quadam regione relegatus sit. Cum ex tædio solitudinis animum despondere inciperet, & in somno ex languore degradatus esset, morsu aspidis perierit, & somnum cum morte continuerit. Hactenus ille. An autem unus Hermippus opponi mereatur antiquissimis, eisdemque fide dignissimis Scriptoribus, tam Judæis quam Christianis ingeminantibus Demetrium fuisse curatorem bibliothecæ Philadelphi, cuilibet cordato perpendendum relinquo. Et ad fidem Aristæ, quod attinet, audiamus*

mus celeberrimum Brian. Walton. in Bibl. Polyglottis de Græc. Version. ubi Isaaci Casauboni, *in Græcis Scriptoribus versatissimi*, de hoc auctore judicium refert. *Credimus admodum antiquum esse, & plane ejusmodi, quem non legisse pœniteat, studioso aut Græcæ linguae, aut antiquitatis. nam antiquissimus est auctor. Nec dubito eum fuisse de quo Josephus &c. Itaque ille est, qui rebus gestis interfuit, quæ hic memorantur. Videas etiam sequentia ex eodem Waltonio, quæ veritatem historiæ Aristeæ, maxime confirmant. commemorat Aristobulum, quo post Aristeam non est vetustior, qui hujus rei mentionem fecerat; cujusq; verba in libro ad Ptolemæum Philometrem apud Euseb. lib. 13. de Præp. Evang. hæc leguntur: ἡ ὅλη ἐρμηνεία τῷ Δαὶδ' ὁ νόμος πάντων, ὅτι, ἡ προσηγορὴ γένεσ' φιλαδέλφου βασιλέως, σὺ ὁ πρῶτος, γένεσ', προσεγγκαμένους μίζονα φιλοψύχῃαν, Δημετρίῳ ἡ Φαλερέῳ ἢ πραγματοῦσασμένους τὰ πρὸς ἡμῶν. Tota vero legis interpreta-*
tio,

rio, sub Rege Philadelpho cognominato, abavo tuo, peracta est, Demetrio Phale-reo magnum studium adhibente, & to-tum negotium promovente. His, inquit, quid clarius pro iis, quæ de Deme-trio narrat Aristetas, dici poterat, non video. Possit etiam conferri clarif-simus Vossius de Hist. Græc. lib. 1. cap. 12. qui egregie de hoc differit, ostenditque non ambigendum, quin Demetrius bibliothecæ Philadelphi Alexandriæ præfuerit: quamvis sta-tuerit quoque aliquo tempore Phi-ladelphum, cum patre imperii con-sortem fuisse, eoque adhuc supersti-te, interpretandi laborem cœptum: verum sub filio demum absolutum esse. Quo pacto ab errore simul li-berantur Clemens & Irenæus, ver-sionem hanc ad tempus Lagidæ re-ferentes. Porro in animadversioni-bus Eusebii sublestam errantium Ju-dæorum fidem secutus, asserit illu-stris Scaliger, adeo non Pontificis & seniorum suffragio, in linguam Græ-cam

cam traductam esse legem, ut verius
octava die mensis Tevet, execra-
tam illam, inter gentes prophanatæ
legis, diem, luctu publico notarint,
& sollemne jejunium instituerint.
Hinc etiam refert factum esse, ut
nunquam ἑλληνισαῖς (intelligit Judæos
Alexandrinos Græca lingua loquen-
tes Act. 6: 1.] cum Hebræis conve-
nerit; sed perpetua inter se odia ex-
ercuerint, dissensionesque, Judæis
Palæstinis ut plurimum per con-
temptum exprobrantibus ἑλληνισαῖς,
ὡς φροσιν suam ἑλληνίζουσιν, quam alias
מפראק לראק lectionem retrorsam vo-
cant. Sed fuisse hoc causam Judæis
cur luctuosa celebrarent jejunia, eo
magis mirandum est, quo potiori
jure oportuisset eos diem illum sum-
ma lætitia festum habere: quo sin-
gulari DEI misericordia & consilio,
Divina ejus oracula, in tantam,
Principis paganæ superstitioni dedi-
ti, venerunt dignationem, ut per-
egre mittens, ipsa eo idiomate reddi
curaret,

curaret , unde non minus Judæis per Ægyptum & passim alibi dispersis , jamque linguæ sanctæ fere expertibus , sed & gentibus , integumentis patrii sermonis evoluta , tandem quoque paterent , ut & illæ in aliquam cognitionis Divinæ admitterentur communionem. Philo Judæus certe narrat in Pharo insula , ubi πρώτον τὸ ἑρμηνείας ἐξέλαμψε , *primum versio effulsit* , sollemnem , tam ex Judæis quam aliis , celebritatem habitam fuisse , in piam recordationem tanti beneficii , & gratiæ sibi Divinitus oblatae. Verum , in reddenda ratione jejunii , à superstitiosis verpis serius instituti , nequaquā operosus ero : cum Celeberrimus Dn. Præses ex industria in dissertatione sua Graduali de Jejuniis Hebræorum hac me cura levaverit , consultissimum ducens , in illorum concedere sententiam , qui statuunt Judæorum recentioris ævi hoc esse delirium , è fabula enatum , quâ vi-

18
sum traditur 72 viris interpretibus,
ut secus, quam in fontibus sacris
concepta fuerant, 13 ponerent loca.
Fingunt n. ob legem Græcè trans-
latam, tenebras universo incubuisse
orbi per tres dies. Et in Talmud:
tract: Sopherim, diem illum fuisse
durum Israëli, sicut dies, quo factus
est aureus vitulus. quod adducit Br:
Walt: In Bibl: polygl. En aniles fa-
bulas, & figmenta ex mera invidia
profecta! quod dilucide, citato loco,
ostendit Waltonius. *Originem inquit,
hujus jejunii, & odii contra hanc ver-
sionem cum Serrario hâc fuisse arbitror:
quod ægre ferrent Judæi, per eam gen-
tes ad Christi fidem converti, & in ea
nutriri, eandemque in magno pretio fu-
isse, apud veterem ecclesiam & Judæo-
rum plurimos: hac enim plerumque usi
sunt Apostoli in prædicatione sua. Ob hâc
causam nollent Rabbini, ut in Synagogis
legeretur: & licet ante tempora Christi
eam magni aestimabant; posteriores, qui
gentibus salutarem ad fidem conversio-
nem*

*nem inuidebant , omnibus modis depri-
mere conati sunt. Tandem etiam Sca-
liger taxat Aristeam , quod non ve-
ritus esset dicere , senos interpretes
ex singulis 12 tribubus , missos fuisse :
quasi tum 12 tribus exstitissent ,
quarum 10 tempore Ezechiaë , in
Mediam deportatæ fuerant. Hæc
quidem primo intuitu , magnum in
se & momentum & pondus conti-
nere videntur : interea tamen non
usque adeo explodi debent , quæ à
modò dicto scriptore , allata sunt .
Equidem cum Saliano in Annal. Ec-
clesiasticis , ad annum M: 3775 con-
cedendum aliquas tribus non inte-
gras fuisse tunc , præter Judam &
Benjamin : tamen & hoc juxta eun-
dem asserendum est , fuisse quosdam
tribules , partim in Judæa & Benja-
min , partim in antiquis sedibus &
domiciliis. Bethulia , ait , post decem
tribuum deportationem , urbs erat cele-
bris & populosa in tribu Zabulon , &
multi ex Samaritis erant in regno decem
tribuum.*

tribuum. Quin & jam tempore Christi, totam Galileam fuisse incolis frequentissimam, ex Evangeliiis apertum est; quæ tamen ad tribum Isaschar, Zabulon, Neptalim pertinebat. Quid? quod memorat Efdra cap: 2. v. ult. Ita habitaverunt Sacerdotes & Levitæ, ex quorum populo tum cantores, tum janitores erant & Nethinim in civitatibus suis. Similiter Israelitæ in civitatibus suis. At hoc erat post captivitatem. Lucas Evangelista meminit ex tribu Ascher Annam prophetida, filiam Phanuel Hierosolymis commorantem: & Act. 26: 7. Ἰσδωδεκάφυλον. Nec putandum Apost: Jacobum fuisse, tam ineptum, ut affirmarit se scribere 12 tribubus ἐν διασπορᾷ constitutis, si nullæ ex iis fuissent superstites. Et profecto, notatu dignissimum, quod Brian. Walt. loco sæpius citato observat: videlicet, non Aristeam, non Josephum, non Philonem, nec quotquot inter Christianos hanc historiam commemorant: imò ne ullum quidem à nato Chri-

sto per 15 secula, repertum fuisse, qui de hoc dubitavit: nec denique ullum contrarium testimonium, vel ex Judæis, vel ex Christianis scriptoribus, adferri posse, nisi unicum Talmudicum in Massechet Sopherim, quod Azarias refert cap. i. sect. 7.

מעשה בחמשה זקנים שכתבו לתלמי 7. hoc est, *opus quinque seniorum, qui scripserunt Ptolemæo Regi legem Græce &c.* Sed cum eodem loco Azarias sibimetipsi contradicat, nihil certi ex ejus verbis erui potest. Ita autem se habent:

מעשה בתלמי המלך שכנס שבעים ושנים זקנים והושיבם בשבעים ושנים בתים ולא גלה להם על מה כנסם נכנס לכל אחד ואחד מהם אמר להם כתבו לי תורת משה h. e. *exemplum in Ptolemæo Rege, qui convocavit 72 senes, & collocavit eos in totidem ediculis, cumque non dum aperuisset eis, quare eos congregasset, ingressus est ad singulos, dixit eis, scribite mibi legem Moysis Magistri vestri &c.* Vide Philol: Hebræo-mixt:

clariss.

clariſſ: Joh: Leuſden p. m. 12. Diffi-
dientia hæc loca, ita conciliare vult
ille, ut quinque ſeniores ex magno
Sanhedrin, ab Eleazaro miſſi qui-
dã ſint ad Ptolemæum, qui verſio-
nem adornarint: ſed vulgo 70 ad-
ſcribi, quod 70, ſeu magni Sanhe-
drin, ſeu 70 ſeniorum auctoritate,
fuerit confecta. Verum hiſce mo-
veri non poſſum, ob testimonia ſu-
perius adducta, quæ non ſinunt nos
dubitare, quin ſeni ex qualibet tri-
bu Ptolemæo conceſſi fuerint: qui-
nam vero, non adeo liquidum eſt.
Antea dictum fuit, viros probitate,
doctrina & eruditione fuiſſe præ-
ſtantes. Si exiſtimaremus fuiſſe,
Synedrii magni adſeſſores, quibus
ex officio incumbibat graviores, ad
Scripturam S. pertinentes res de-
cernere: tum forſitan illud dubium
ſuboriretur, quemadmodum potuiſ-
ſet Synedrium, cujus Hieroſolymis
fixa eſſe debuit ſedes, citra culpam
& dignitatis jacturam deſerere gen-
tem

tem suam, eamque supremo iudicio relinquere orbam. *Ex Aristeo, dicit summus Waltonius, diserte legimus, Ptolemæum postulasse, ut ex omni tribu seni deligerentur, ad hoc munus obeundum, quod & præstitisse Eleazarum ex eadem historia constat. Certe Synedrium illud, ante legationem constitutum erat: at quos ipse postulavit interpretes, post legationem delecti & missi sunt.* Itaque vero admodum simile est, licet non ex ipso synedrio, fuisse tamen ejus auctoritate missos ad Ptolemæum. hos, ut Aristeas eos indigitat, honestos, inq; utraq; lingua, tam Græca, quam Hebræa eruditos viros, & nō vulgari peritia cōmendabiles: unde quoque synedrium eorum securitati cavens, jure a Ptolemæo efflagitat, ut post præstitum translationis ministerium, tuto restituantur.

§. 4. Ratio ordinis jam postulat, ut pauca etiam de cellulis subjungamus, quas Justinus Martyr 72: Epiphanius verò eumque secutus Justinia-

Justinianus, 36 fuisse referunt; quibus inclusi seorsim Interpretes, non sine summo consensus miraculo versionem consumarint. Ad Epiphanium quod attinet cum omnes ab eo, præter unum Justinianum, in diversum abeant, Bell. de Verbo DEI lib: 2. c. 10. putat eum non legisse Aristeam: vel ex aliorum relatione audivisse, quæ scripserit. Testimonium verò Justini Martyris, *αὐτοψία* ipsi⁹ comprobatum, plures veterum secuti sunt, utpote: Cyrillus, Augustinus, Hilarius, Philastrius, Isidor⁹, Theodoretus &c. Et ex recentioribus, Serrarius, Baronius, Leo Castrius, aliique, cum quibus etiam Talmud consentit in Massechet Soph: Halach: c. 1. vide Sixtin: Amam: Antibarb: Biblic. lib. 1. p. m. 2. Sed cum nec Aristear, *μερίση* (verbis ex Sixtino mutuatis) *ἡ ἰσορροπία ταύτης ἡ ἀλμπυξ*, & qui universi hujus negotii director fuit; nec Philo, nec nobilissimus scriptor, suæq; gentis studiosissimus

Josephus

Josephus, meminerint: merito solus
ex Patribus Hieronymus suam de eo
censuram aperit. Nescio, inquit, quis
primus auctor 70 cellulas suo mendacio
exstruxerit, quibus divisi eadem scripti-
tarint, cum Aristeas, ejusdem Ptolemæi
ἱστορίῃς, & multa post tempora Jo-
sephus nihil tale retulerint, sed in una
Basilica congregatos, contulisse scribant.
In tanto, super hoc negotio, Docto-
rum dissensu, nihil difficilius quam
certi quid statuere. Brian: Walton:
dicit se cum Bellarmino respondere,
fieri potuisse, ut Judæi fabulam a se
confictam, Justino persvaserint,
ostendentes ipsi quasdam ruinas,
quas cellulas esse dixerint LXX In-
terpretum. Quod autem sanctissimo
viro ab iis impositum, non minus
facile erat, posterioribus scriptorib⁹
arripere; præsertim cum etiam con-
testetur, se ab incolis, qui id a ma-
joribus acceperant, audivisse, mi-
nimeque ut confictam aliquam fa-
bulam hoc proponere. Et si forte

D

nonere-

poneretur aliquid veri huic sententiae inesse: scilicet, suum cuique interpretum assignatum fuisse cubiculum, ubi pensum sibi assumptum redderent; quod postea, cum omnes simul convenissent, relegerent, examinerent & communi omnium calculo adprobarent: id falsi tamen, vero a Judæis additum videtur, quod, quemlibet oportuisse in domuncula sua manere, & ab omni aliorum congressu, cum verteret prohibitum fuisse, tradiderint: insuper verò singulorum versionem, virtute DEI absolutam per omnia, sibi tam congruam fuisse, ut ne verbo quidem, ab invicem discederēt. Omnibus in propatulo esse puto, Judæos, qui fabulis quam maxime delectantur, etiam hoc miraculum, ad exaggerandam translationis dignitatem, ceteris adjicere & cōmīnisci voluisse.

§. 5. Sequitur nunc, ut trutinæ nostræ submittamus ea, quæ vulgo disce-

disceptari solent de numero libror.
V. Tti, quos LXX Interpretes trans-
tulerint. Cum enim Aristeas, Philo
& Josephus Legis tantum mentio-
nem injiciant: imò Josephi præfa-
tione Antiquit. Jud. manifesta sunt
hæc verba: Neq̃ enim totam Scri-
pturam occupavit ille (Philadelph⁹)
sed Legem solam ei tradiderunt In-
terpretes. Jure idcirco meritoque
controversum est, utrum Legis vo-
cabulo libri quinque Mosis, an vero
omnes Canonici V. Testamenti com-
prehendantur. Apocryphi in quæ-
stionem non veniunt. De Josepho
Fl. hac in parte quid censendum,
cum magnis viris diffiteri non pos-
sum, quin fides historiæ ejus labo-
ret. quippe, quem asserit Waltoni⁹
aliter alibi sentire, cum libros in
Judæorum synagogis prælegi con-
suetos, omnes nomine Legis com-
plectatur. Jam autem notum est,
præter Pentateuchum, qui stricte sic
Lex vocatur, etiam libros Prophe-
tarum

tarum in synagogis prælectos esse. **Luc. 4.** De cetero, prout vocabulum Legis latiori suo significato, non modò in Sacro Codice, sed & Rabbiorum & Talmudistarum scriptis, pro omnibus Canonicis libris V. T. sumi, præter alios probet clarissim⁹ **Joh: Leusd. philol: Hebræo-mixt. de versione** **לֵוִי 70;** ita quoq; illud efficitur ex eo, potuisse Aristeam, per Legem præter Pentateuchum, reliquos veteris instrumenti libros intelligere. Ad hæc, altius expendatur, pleraque quæ CHristus & Apostoli ex Vet. Tto. allegarunt, exacte cum LXXII hodierna versione concordare. Cumq; aliam, antenatum Christum, præter illam non existitisse, luce meridiana clarius fit, cui, quæso, illa assignanda est, nisi hisce LXX? Plura dum adhuc ponderamus, quî fieri potuit, ut Ptolemæus, qui tanto studio omnia antiquitatis monumenta comparavit, solam Legem à Pontifice & Senioribus exegerit,

rit, non item reliquas nobilissimæ gentis historias, admirandaque oracula. Robur deniq; haud exiguum, mihi conciliant tot insignia veterum et testimonia, universum V. Tti. canonem à LXXII versum esse affirmantium, ut sunt: Justinus Martyr, Clemens Alexandrinus, Irenæus, Tertullianus, Origenes, Augustinus, totusque antiquæ Ecclesiæ chorus. Satis hîc, opinor, testium, ut verbis Saliani utar, ad obstruendum os falsa loquentis Josephi. Suffecisset contra illum, vel unica Aristobuli Judæi, adducente illum Ampliss: Waltonio, Philosophi celebratissimi assertio, quâ epist. ad Regem Ptolemæum Philometrem totam Scripturam Græce traductam scripserit.

§. 6. Postquam sic leviter, quos libros LXX reddiderint, adumbravi: non incommode nunc disputabitur, ex quo, & quo modo interpretati fuerint. Qua prius, Philo Judæus interpretes ex Chaldaica lingua in Græcam

Græcam transtulisse prodit : quod
 pronis manibus arripiunt omnes,
 qui huic versioni, utpote non ex
 puro fonte, sed turbido Chaldaici
 Metaphrastis rivulo deductæ, detra-
 ctum cupiunt. Sed eos Brian. Wal-
 ton: ex Philone ipso refellit, osten-
 dens ipsum non magis Chaldaicam
 quam Hebræam linguam hoc loco
 intellexisse: sic libr. de Abrah. voca-
 bula Hebræa, HENOCH, SARA, nūc
 Chaldaica, nunc Hebræa vocat. Li-
 bro autem de vita Mosis, memorat
 festum Paschatos, τὸ χαλδαϊστὶ λεγόμενον
 πάσχα. Rursus verò libro de Deca-
 logo, festum Hebræorum, lingua
 gentilitia dici Pascha. Ex quibus
 colligitur, nihil certi haberi posse
 eo, qui non confundenda confundit.
 Magis verè illa ratio militabit & va-
 lebit, pro sententia, LXX Interpretes
 textu Hebræo in transferendo fuisse
 usos asserente; si recta lance
 perpendatur, primò versionem au-
 ctoritate Pontificis & Seniorum sive
 Synedrii

Synedrîi Hierosolymitani adorna-
 tam: deinde verò omnium Judæo-
 rum consensu approbatam, & pu-
 blice in synagogis receptam atque
 prælectam fuisse: quod sane nunquã
 contigisset, nisi ex textu originali
 Hebraico, cui nonnulla Chaldaica
 mixta reperiuntur, esset reddita.
 Quod ad posterius, sive modum ab
 iis in vertendo observatum attinet,
 non possum sententiæ illorum acce-
 dere, qui verbum verbo redditum,
 suspicantur: quod Philonem in mē-
 te habuisse, quidam autumant, dum
κῶρια κωρίοις ὀνόμασιν, *propria propriis*
nominibus, traducta narrat; quum
 tamen videatur, nihil aliud signifi-
 care voluisse, quam interpretum
 verba, rebus significatis & verborũ
 emphasi, quatenus fieri poterat, o-
 ptime congruisse. Quicquid autem
 fuerit, hoc certum est, non tam ad
 verba, quam sensum eos respexisse;
 pari fere (dico fere, nam inter Apo-
 stolos θεομένους & hos translatores
 magnum

tarum in synagogis prælectos esse. **LUC. 4.** De cetero, prout vocabulum Legis latiori suo significato, non modò in Sacro Codice, sed & Rabbiorum & Talmudistarum scriptis, pro omnibus Canonicis libris V. T. sumi, præter alios probet clarissim⁹ **Joh: Leusd. philol: Hebræo-mixt. de versione** **לעו 70**; ita quoq; illud efficitur ex eo, potuisse Aristeam, per Legem præter Pentateuchum, reliquos veteris instrumenti libros intelligere. Ad hæc, altius expendatur, pleraque quæ **CHRISTUS** & **Apostoli** ex **Vet. Tto.** allegarunt, exacte cum **LXXII** hodierna versione concordare. Cumq; aliam, antenatum **Christum**, præter illam non existisse, luce meridiana clarius fit, cui, quæso, illa assignanda est, nisi hisce **LXX**? Plura dum adhuc ponderamus, quî fieri potuit, ut **Ptolemæus**, qui tanto studio omnia antiquitatis monumenta comparavit, solam **Legem** à **Pontifice** & **Senioribus** exege-
rit,

rit, non item reliquas nobilissimæ gentis historias, admirandaque oracula. Robur deniq; haud exiguum, mihi conciliant tot insignia veterum et testimonia, universum V. Tti. canonem à LXXII versum esse affirmantium, ut sunt: Justinus Martyr, Clemens Alexandrinus, Irenæus, Tertullianus, Origenes, Augustinus, totusque antiquæ Ecclesiæ chorus. Satis hîc, opinor, testium, ut verbis Saliani utar, ad obstruendum os falsa loquentis Josephi. Suffecisset contra illum, vel unica Aristobuli Judæi, adducente illum Ampliss: Waltonio, Philosophi celebratissimi assertio, quâ epist. ad Regem Ptolemæum Philometrem totam Scripturam Græce traductam scripserit.

§. 6. Postquam sic leviter, quos libros LXX reddiderint, adumbravi: non incommode nunc disputabitur, ex quo, & quo modo interpretati fuerint. Qua prius, Philo Judæus interpretes ex Chaldaica lingua in-

Græcam

Græcam transtulisse prodit : quod pronis manibus arripiunt omnes, qui huic versioni, utpote non ex puro fonte, sed turbido Chaldaici Metaphrastis rivulo deductæ, detractum cupiunt. Sed eos Brian. Walton: ex Philone ipso refellit, ostendens ipsum non magis Chaldaicam quam Hebræam linguam hoc loco intellexisse: sic libr. de Abrah. vocabula Hebræa, HENOCH, SARA, nūc Chaldaica, nunc Hebræa vocat. Libro autem de vita Mosis, memorat festum Paschatos, τὸ χαλδαϊστὶ λεγόμενον Πάσχα. Rursus verò libro de Decalogo, festum Hebræorum, lingua gentilitia dici Pascha. Ex quibus colligitur, nihil certi haberi posse eo, qui non confundenda confundit. Magis verè illa ratio militabit & valebit, pro sententia, LXX Interpretes textu Hebræo in transferendo fuisse usos asserente; si recta lance, perpendatur, primò versionem auctoritate Pontificis & Seniorum sive Synedrii

Synedrii Hierosolymitani adorna-
tam: deinde verò omnium Judæo-
rum consensu approbatam, & pu-
blice in synagogis receptam atque
prælectam fuisse: quod sane nunquā
contigisset, nisi ex textu originali
Hebraico, cui nonnulla Chaldaica
mixta reperiuntur, esset reddita.
Quod ad posterius, sive modum ab
iis in vertendo observatum attinet,
non possum sententiæ illorum acce-
dere, qui verbum verbo redditum,
suspiciantur: quod Philonem in mē-
te habuisse, quidam autumant, dum
κῶερα κωείοις ὀνόμασιν, *propria propriis*
nominibus, traducta narrat; quum
tamen videatur, nihil aliud signifi-
care voluisse, quam interpretum
verba, rebus significatis & verborū
emphasis, quatenus fieri poterat, o-
ptime congruisse. Quicquid autem
fuerit, hoc certum est, non tam ad
verba, quam sensum eos respexisse;
pari fere (dico fere, nam inter Apo-
stolos Θεομένης & hos translatores
magnum

magnum discrimen agnoscimus] ratione ac Apostolos, loca ex veteri instrumento allegantes, fecisse comperimus; nec propter hoc aliquid a fide interpretis alienum commiserunt, modò veritatem sensus ubiq; integram observarunt. Quid? quod usu quotidie nobis evenire cognoscimus, cuiq; linguæ suum esse genium tam proprium, ut vix ac ne vix quidem, si modò vim linguæ alterius traducendæ, exhaustire volerimus, verbum verbo referre queamus: sed sæpenumero unum verbum, multis circumloqui nos oporteat. Idem contigisse Interpretibus hisce, quis mirabitur?

§. 7. Hoc paragrapho exsequar, aliqua de tempore, quo ab Aristeo 72 diebus interpretes dicuntur versionem absolvisse: quod tamen de Pentateucho solum, intellectum volunt summorum virorum quamplurimi; non verò de omnibus V. Tti. libris. Ego verò tutius esse existimo,
alteri

33
alteri sententiæ , de toto canone V
Tti. intra totidem dies ab eis reddi-
to , accedere. Verum minime eo
animo , ut alicui quidquam præscri-
bam , cum quisque sua sentiendi li-
bertate gaudeat. Valde enim con-
sentaneum videtur , eos domo pro-
fecturos , de certo modo & ratione
tantas res efficiendi , deliberasse
loca difficiliora , adhibitis commen-
tariis aliisque interpretandi subsidiis
& instrumentis , excussisse : vel mi-
nimum ea prætentasse ante , quam
tantum opus aggrederentur. Post-
hæc , ipsis Alexandriam venientib⁹ ,
non verò simile est , in uno libro vel
capite omnes simul occupatos ; sed
universum opus ita inter se patitos ,
ut singuli suum pensum sumserint ,
certo tempore post totam , aut ali-
quam ejus partem absolutam con-
venientes , singulorum elucubratio-
nes reliquorum censuræ submissuri
quas , ubi quisq; suo suffragio com-
probasset , tandem pro totius con-

ventus versione receptæ, & juris publici factæ sunt. Quæ Brian. Waltonius, loco ante sæpius adducto, de hoc lectu dignissima habet, in compendium redigere juvabit. Supponit ad mentem Aristeæ, LXXII Interpretes, singulis diebus Rege primum salutato, operi ad horam 9 assedisse, quæ media est Hebræis, inter meridiem & occasum Solis. Pariter, inquit ulterius, singulis diebus quemq; dimidium capitæ trās- tulisse, *totum opus, quod 925 capitibus concluditur, singulis diebus 36 capita interpretando, intra 28 dies absolvere potuissent, qui non multum excedunt tertiam partem 72 dierum.* Reliquum temporis impendi poterat maturo examini & disceptationi eorum, quæ scripserant, ut digna redderentur evulgatione. Sed cogitet quis unde tot exemplaria suppetebant, ut singuli suo instructi esse potuerint, cum Pontifex & Seniores, unicum tantum, ad Ptolemæum miserint.

Haud

Haud inducor, ut credam, tam claros viros, atq; à tanto Rege vocatos, non magis curiosos fuisse, quam ut singuli suum librum non haberent, quò tanto expeditius, in negotio tam arduo atque magno, Regis expectationi satisfacere possent. Quod eo verius de Judæis asseritur, quo quisque illorum, volumen Legis in usum suum describere teneatur. Et cum hi non infimi subsellii fuerint viri, non repugnat, quo minus quisque suum habuerit librum. Modo, quo jam dictum est, LXXII. Interpretes intra 72 dies, sine miraculo conficere versionem suam potuisse, videntur.

§. 8. Hisce, pro modulo ingenii mei expositis, coronidis loco videntum est, an adhucdum apud nos inveniatur antiqua illa LXX Interpretum versio, & quid de illa habendum. Eam autem anhuc existare, & eandem esse, quæ fuerit illa vetus, in de vers. Græc. nobis

persuadere nititur sæpe laudatus Waltonius, ostendere volens ex scriptoribus Judaicis, quorum testimonia desumta sunt ex 72 versione sui temporis, exacte cum hodierna LXXII Interpretum nostra conspirare. Hoc, inquit, *de Josepho & Philone apud omnes constat, qui testimonia scripturæ, ubique secundum versionem Græcam hodiernam proferunt, etiam in iis locis, ubi LXX versio ab Hebræo discrepare videtur.* Idem etiam evincitur ex Christo & Apostolis, quorum quamplurima ex V. T. citata, cum ea, quæ hodie ad nos pervenit amice concordant: adeo ut nullum dubium sit quin hodierna nostra, sit eadem, quæ antiqua illa LXXII versio. Et quamvis in aliquibus locis textum Hebræum non exhauriat, & interdum sensum potius quam verba referat: imò si ipsorum Interpretum, si descriptorum, si hæreticorum culpa erret quandoque: meritò tamen maxime faciendam, &

& reliquis versionibus antepone-
dam, judico. Nam & ob antiquitatem suam, & sumum illud pretium in quo habita fuit, non minus apud Judæos, ubi publice in synagoga prælegebatur, quam apud Christianos, & Patres antiquæ istius Ecclesiæ lumina, etiam à nobis legenda & suspicienda est. Et cum DEUS, non sine admirando æternitatis suæ consilio, versionem hanc lingua per universum orbem notissima procuraverit, clarum ipsius ex eo immensa bonitatis documentum relinquitur quo voluerit hoc ipso, gloriam suam gentibus quoque manifestare, & viam sternere ad cognoscendum æternum mysterium Evangelii sui, reconditi in Filio ejus unico, Salvatore nostro JESU CHRISTO. Cum PATRE & SPIRITU S.
fit laus, honor & gloria
in secula.!

Πάντα δοκιμάζετε· τὸ καλὸν κατέχετε.
1. Thess. 5. v. 21.

Ad

*Pereximium atque Doctissimum
Dominum*

JOHANNEM TRUNDMAN,
Philosophiæ Candidatum
meritissimum.

UT Te multo ante propter egregium
tuum ingenium, laudabilem doctrinam,
suavissimos mores, probitatemq; singula-
rem amavi; ita nunc quoque, cum bre-
vi, de SEPTUAGINTA INTERPRETI-
BUS, disputaturum audiam, magni æ-
stimo. Nimirum hoc est argumentum
quod maximos quosque viros ita exer-
cuisse novimus, ut in diversas abierint
sententias. Sunt enim qui adeo firmiter
adherendum versioni eorum existiment,
ut omnes novæ relinqui debeant, quippe
cum & CHRISTO & Apostolis, & o-
mnibus antiquis etiam Judæis, agnita
fuerit. Sunt item, qui ætate vel Hie-
ronymi puram non exstitisse doceant, cum
pro varietate regionum diversa ferreretur
exemplaria, & germana illa antiquaque
translatio corrupta haberetur atque vi-
tiata:

*tiata; indeque factum, ut hodierno die
 multo conspiciatur impurior & vitiosior.
 Sunt itidem, qui pluribus in locis eam lau-
 dent, licet aliquando interpretes hos im-
 pegisse, aut saltem minus commodè
 quædam reddidisse referant, quorum
 alii fidem suspectam facere conantur lo-
 ca illa diligentius excutiendo, & simul
 cognoscendo, ipsi ne potius an vero LXX
 errarint interpretes. Quæ quidem o-
 mnia, Tu doctiss: TRUNDMAN, erudi-
 tissima tua dissertatione nobis, haud du-
 bie apertius explanare constituisti. Gra-
 tulator idcirco Tibi peregregios in literis,
 & in hoc potissimum studiorum genere
 progressus, sincere exoptans, ut quævis
 Tibi fausta in posterum etiam eveniant,
 quo metam diu desideratam felicissime
 contingas. Vale. Ups. d. IV. Mens. Maji
 Anno CIOIOCCIII.*

Tui studiosissimus

PETRUS O. HIERPE.

Menda exstantiora.

Pag. 3. διεκράζαντο *lege* διεπράζαντο.
ibid. ἐσπιννεται *leg.* ἐπαννεται. p. 8. epedien-
tibus *leg.* expedientibus. p. 22. *lin.* 7.
deleantur 70 seu. p. 24. confumarint
lege confummarint. *Leviuscula* B. L.
ipse corrigat.

